



## **SAOPŠTENJE ZA JAVNOST MENADŽMENTA** **JZU „ ZDRAVSTVENI CENTAR BRČKO“**

Javna zdravstvena ustanova „Zdravstveni centar Brčko“ Brčko distrikt Bosne i Hercegovine najoštrije osuđuje napad na doktoricu porodične medicine i medicinsko osoblje koji se desio u ambulanti Rijeke. Nažalost, navedeni događaj je još jedan u nizu napada koji se tokom posljednjih godina dešavaju na način da se ugrožava život i dostojanstvo medicinskih profesionalaca.

Živjeti u demokratskom društvu podrazumjeva poštivanje zakonskih normi i propisa. Postoje mehanizmi i načini iskazivanja nezadovoljstva na rad institucija i zaposlenih u istim a da to nije verbalni i fizički napad. Nadalje, verbalnim i fizičkim napadima se ne ugrožava samo sigurnost medicinskih radnika nego i ostalih pacijenata.

Udruženja doktora porodične medicine i medicinskih tehničara, posljednjih godina su u više navrata apelovali na donošenje zakonske regulative na način da se odredbama Krivičnog zakona medicinski radnici – profesionalci zaštite na radnom mjestu.

Vodeni Hipokratovom zakletvom medicinski radnici su tu da pruže zdravstvenu pomoć i odgovore na potrebe pacijenata/korisnika usluga u skladu sa propisima koji regulišu cjelokupni zdravstveni sistem. Nemili događaj odnosno napad na naše medicinsko osoblje je ALARM da se što hitnije nadležne institucije trebaju pozabaviti sugurnošću medicinskih radnika.

Također, koristimo ovu priliku da se zahvalimo Policiji Brčko distrikta Bosne i Hercegovine na pravovremenoj reakciji i privođenju odgovorne osobe. Kao znak protesta u narednim danima medicinski radnici će prekinuti svoj rad u „pet do dvanaest“, te se solidarisati sa kolegama koji su verbalno i fizički napadnuti i ponovo apelirati na hitno rješavanje statusa odnosno zaštite medicinskih radnika u Krivičnom zakonodavstvu Brčko distrikta Bosne i Hercegovine.

Brčko, 24.03.2022.godine

**Menadžment JZU “Zdravstveni centar Brčko” Brčko distrikt BiH**

